



TAJUK KHUTBAH JUMAAT

Siri: 32/2023

**ISLAM MEMELIHARA KEAMANAN DAN
SILATURRAHIM**

11 Ogos 2023

Bersamaan

24 Muharram 1445

**DIKELUARKAN OLEH:
JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي جَعَلَ الْإِسْلَامَ دِينًا قَيِّمًا،

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،

وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ لَهُمْ

بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat yang dirahmati Allah,

Marilah sama-sama kita bertaqwa kepada Allah dengan sebenar-benarnya dan bersyukur kepada Allah atas segala nikmat yang diberikan terutamanya nikmat perpaduan, keamanan dan kemakmuran. Khutbah Jumaat pada hari ini bertajuk:

“ISLAM MEMELIHARA KEAMANAN DAN SILATURRAHIM”.

Islam merupakan satu-satunya agama yang direlai oleh Allah SWT yang diakhiri risalah wahyu-Nya dengan kebangkitan Rasulullah SAW. Baginda Nabi SAW merupakan cerminan kepada ajaran yang ingin diturunkan oleh Allah kepada manusia, baik dari segenap aspek kehidupan, kekeluargaan, kemasyarakatan, kenegaraan, sebagai seorang pendidik, suami, bapa dan pemimpin kepada ummah. Rasulullah SAW adalah contoh terbaik dalam mengamalkan kandungan al-Quran dan al-Sunnah. Firman Allah SWT dalam surah al-Qalam, ayat 4:

وَإِنَّكَ لَعَلَىٰ خُلُقٍ عَظِيمٍ ﴿٤﴾

Maksudnya: Dan bahawa sesungguhnya engkau mempunyai akhlak yang amat mulia.

Saidatina Aisyah pernah ditanya tentang akhlak Rasulullah SAW, beliau menjawab:

كَانَ خُلُقُهُ الْقُرْآنَ

Maksudnya: Akhlak Baginda SAW adalah al-Quran.

Kaum Muslimin Yang Dirahmati Allah,

Antara langkah pertama yang dilakukan oleh Rasulullah SAW setelah berhijrah ke Madinah ialah mempersaudarakan antara kaum Muhajirin dan Ansar. Baginda memahami bahawa Madinah yang terdiri daripada Aus (الأوس), Khazraj (الخنزرج), Yahudi Bani Quraizah (بنی قریظَة), Bani Qainuqa' (بنی قینقاع)

(قَيْنِقَاعِ), Bani Nadhir (بَنِي النَّضِيرِ) dan kabilah Badawi yang berada di sekitarnya perlulah disatukan di bawah satu perlembagaan yang menyatakan hak dan tanggungjawab setiap individu terhadap negaranya. Hal ini membawa kepada pembentukan piagam Madinah yang dianggap sebagai perlembagaan dan asas pembentukan negara Islam Madinah. Kekuatan Madinah adalah pada persaudaraan umat Islam yang menjaga kestabilan dan keamanan negara.

Imam Ibn Kathir rhm telah meriwayatkan dalam tafsir beliau: bahawa satu hari seorang lelaki daripada Yahudi lalu di hadapan sekumpulan pemuda daripada Aus dan Khazraj sedang duduk bersama-sama dan berbual dengan penuh sifat kasih sayang dan persaudaraan. Yahudi ini tidak senang dengan apa yang dilihatnya, lalu dia menghantar seorang lelaki untuk duduk dalam kumpulan tersebut agar membangkitkan cerita peperangan Bu'ath (بعثت) yang berlaku antara Aus dan Khazraj pada masa dahulu. Lelaki tersebut cuba mengapi-apikan antara mereka sehingga hampir membawa kepada peperangan. Perkara ini segera diberitahu kepada Rasulullah SAW lalu Baginda datang mendamaikan mereka dan membacakan firman Allah dalam surah Ali Imran, ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ اللَّهِ عَلَيْكُمْ
إِذْ كُنْتُمْ أَعْدَاءً فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَا

حُفْرَةٍ مِّنَ النَّارِ فَأَنْقَذَكُمْ مِنْهَا كَذَلِكَ يُبَيِّنُ اللَّهُ لَكُمْ آيَاتِهِ لَعَلَّكُمْ

نَهْتَدُونَ ﴿١٠٣﴾

Maksudnya: Dan berpegang teguhlah kamu sekalian kepada tali Allah (agama Islam), dan janganlah kamu bercerai-berai; dan kenanglah nikmat Allah kepada kamu ketika kamu bermusuh-musuhan (semasa jahiliyah dahulu), lalu Allah menyatukan di antara hati kamu (sehingga kamu bersatu-padu dengan nikmat Islam), maka menjadilah kamu dengan nikmat Allah itu orang-orang Islam yang bersaudara. Dan kamu dahulu telah berada di tepi jurang neraka (disebabkan kekufuran kamu semasa jahiliyah), lalu Allah selamatkan kamu dari neraka itu (disebabkan nikmat Islam juga). Demikianlah Allah menjelaskan kepada kamu ayat-ayat keterangannya, supaya kamu mendapat petunjuk hidayahNya.

Sidang Jemaah yang dimuliakan Allah,

Sebagai seorang umat Nabi SAW, kita wajar mengikut setiap akhlak dan tingkah laku yang diajar oleh Baginda. Tindakan Baginda mendamaikan antara Aus dan Khazraj menunjukkan betapa pentingnya persaudaraan sesama Islam dijaga. Sebarang anasir jahat dan bisikan musuh Islam hendaklah ditepis dengan bersungguh-sungguh daripada masuk ke dalam masyarakat Islam. Mereka tahu bahawa selama umat Islam bersatu, mereka tidak akan dapat menggugat akidah tauhid dan menguasai kepimpinan negara.

Peristiwa kejatuhan Khilafah Uthmaniah patut menjadi iktibar kepada umat Islam. Antara perkara yang membawa kepada kejatuhannya ialah perbalahan dalaman masyarakat Turkey bagi menjatuhkan khalifah. Dengan

berakhirnya khilafah Uthmaniah, maka umat Islam sudah tidak mempunyai tempat pergantungan lagi melainkan diri mereka sendiri dalam negara-negara kecil yang mereka berada; masing-masing ingin menjaga kepentingan sendiri sehinggakan mudah untuk dikuasai oleh musuh.

Rasulullah SAW bersabda (yang bermaksud):

Hampir-hampir kamu akan diranyah oleh umat-umat daripada segenap pelusuk, seperti hidangan yang dikerumuni oleh orang ramai. Sahabat bertanya: Wahai Rasulullah, adakah kerana bilangan kita sedikit? Jawab Baginda: Tidak, tetapi ramainya kamu hanya seperti buih ketika banjir (tidak teguh, mudah dibawa ke hulu ke hilir dan senang hancur).

(Hadis Riwayat Abu Daud)

Kaum muslimin Rahimakumullah,

Hari ini, walaupun kita berbeza dari sudut pandangan dan pemikiran dalam sesuatu perkara, namun persaudaraan Islam adalah lebih utama untuk dipelihara. Janganlah kiranya perbezaan pandangan dan fahaman itu berterusan sehingga membawa kepada permusuhan dan perbalahan yang tidak berkesudahan. Adakah persengketaan ini diredai oleh Rasulullah SAWandainya Baginda masih hidup? Sedangkan sabda Rasulullah SAW:

لَا يَدْخُلُ الْجَنَّةَ قَاطِعٌ

Maksudnya: Tidak akan masuk syurga orang yang memutuskan silaturrahim.

(Hadis Riwayat Bukhari dan Muslim)

Ketahuiilah bahawa musuh Islam inginkan umat Islam terus bersengketa agar mereka terhalang daripada memikirkan tentang agama, bangsa dan negara. Sedangkan keamanan dan kesejateraan negara kita adalah satu nikmat yang tidak ternilai yang dikurniakan oleh Allah kepada kita.

Sidang jemaah yang dikasihi Allah,

Mengakhiri khutbah pada hari ini, sesungguhnya setiap tindakan kita tidak terlepas daripada dicatat oleh malaikat. Justeru, semaikanlah kesatuan dan hubungan silaturrahim sesama Islam agar kita semua memperoleh redha Allah di dunia dan akhirat.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ وَاتَّقُوا اللَّهَ لَعَلَّكُمْ تُرْحَمُونَ ﴿١٠﴾

Maksudnya: Sebenarnya orang yang beriman itu bersaudara maka damaikanlah di antara dua saudara kamu itu; dan bertakwalah kepada Allah agar kamu beroleh rahmat.

(Surah Al-Hujurat : ayat 10)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Sidang Jumaat yang dikasihi.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرْضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.
اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةَ تَرَغْكَانُو.
وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.
اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

Ya Allah, Ya Rahman, Ya Rahim.

Perbaikilah hubungan sesama kami dengan penuh kasih sayang.
Limpahkanlah dalam kehidupan keluarga kami ketenangan dan
kebahagiaan, semangat muafakat dalam kejiranan, para remaja yang teguh
iman, tinggi ilmu dan mulia akhlaknya.

Ya Allah,

Kami pohon ke hadrat-Mu agar mantapkanlah pegangan kami menurut ajaran Ahli Sunnah Waljamaah dan jadikanlah kami sentiasa istiqamah dalam melaksanakan segala perintah-Mu.

Ya Allah,

Perkukuhkan perpaduan umat Islam di negeri Terengganu. Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

آمين يا الله، يا أرحم الراحمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.
□ قُومُوا إِلَى صَلَاتِكُمْ، يَرْحَمْكُمْ اللهُ.